

ВИЛОЯТ ҲОКИМИ ҲАЙРУЛЛО БОЗОРОВ ФАРҒОНА ТУМАНИДА ЯШОВЧИ, БОҚУВЧИЛАРИ ХОРИЖДА МЕҲНАТ ҚИЛАЁТГАН ХОНАДОНЛАРДА БЎЛИБ, ДАВЛАТИМИЗ РАҲБАРИ НОМИДАН УЛАРНИ ЯНГИ ЙИЛ БИЛАН ҚУТЛАДИ

Вилоят ҳокими бугун Фарғона туманинг Оқбилол ҳамда Қурилиш маҳаллаларида яшовчи, ягона боқувчилари хорижда меҳнат қилаётган ватандошларимизнинг хонадонларида бўлиб, уларнинг ота-оналари, оиласлари, фарзандлари ҳолидан хабар олди, Давлатимиз раҳбари номларидан уларни Янги йил байрами билан қутлади.

Хонадонларда бўлиб ўтган мулокотлар чоғида хорижда меҳнат қилаётган ватандошларимизнинг меҳнат фаолияти борасида сўз борди, ҳозирги кунда вилоятимизда, туманда яратилаётган иш имкониятлари ҳақида маълумот берилиб, ота-оналари ва оиласлари бағрида яшаб меҳнат қилишлари учун етарли шароит ва имкониятлар мавжудлиги билдирилди.

Давлатимиз раҳбари номидан хонадонларга Янги йил совғалари, озиқ-овқат маҳсулотлари, кийим-кечаклар тақдим этилди.

Оқбилол МФЙда яшовчи Жамолиддин Алиев хонадонида оила тўнғич ўғли қуёнчиликка қизиқишини билдириди. Вилоят ҳокимининг кўрсатмаси билан оиласа қўён қафаси ва зотдор қуёнлар олиб келиб бериладиган бўлди. Қурилиш МФЙда яшовчи Соҳиб Маҳкамовнинг кекса онасига эса ногиронлик аравачаси совға қилинди.

Ҳар бир хонадонда қўллар дуога очилиб, юртимизга тинчлик ва хотиржамлик сўралди, кўрсатилаётган эътибор ва ғамхўрлик учун Президентимизга миннатдорлик билдирилди.

Вилоят ҳокими шунингдек, Қурилиш МФЙда истиқомат қилувчи, ногиронлиги бўлган рассом Шуҳрат Ўринбоев хонадонида ҳам бўлди. Тақдир Шуҳратга жисмонан бут жуссани насиб этмади, лекин шунга қарамай у бор матонатини ишга солиб, иқтидорини намоён этиб келмоқда. Бугунги кунда Шуҳрат Ўринбоев Чимён қишлоғидаги 15-умумтаълим мактабида рассомчиликдан дарс бериб, ўкувчиларга рассомчиликнинг сир-асрорларини ўргатиб келади. Шуҳрат Ўринбоев оиласига Янги йил совғалари ҳамда компьютер жамланмаси совға қилинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-12-29 21:14:12